


元亨釋書

十九

十六

特別  
八4  
5587  
11







元亨釋書卷第十九

願雜十之四

靈恠六

轉乘

慧增

春命

明蓮

道命

濟北沙門

師鍊

撰



海蓮

賴具

蓮尊

妙達

源尊



常照

阿清

藏滿

圓能

道乘

圓善

安珍

無空

講仙

度揔論

吾佛之化明冥俱濟大經曰戒緩乘急者處  
三途而見佛況轉報之餘習陰夢之感激乎  
苟預化者采掇焉繫願之六矣

先身毒蛇

釋轉乘和州人住金峯山寺性多嗔勇猛勤  
勵持法華誦六卷七八兩卷不能通乃發奮  
激志讀二卷三萬過遂不記詣藏王菩薩九  
旬獻六時香花夜禮三千拜乞救助夏末夢  
夜叉形人以龍為冠天衣瓔珞手執金剛杵  
足踏花告曰昔播州赤穗郡山驛屋梁上有  
毒蛇長丈餘適一比丘宿驛舍蛇念曰我今  
飢渴欲吞此比丘比丘不知洗手漱口誦法華  
其音和雅蛇聞之毒害心止通霄側耳誦至



第六天明比丘乃發去蛇聞法力故轉畜爲人汝身是也持法華者宿薰故不誦七八者不聞故汝性嗔猛者毒蛇之習氣耳自今堅心即通二卷必得出纏乘寤感喜無量果得通誦嘉祥二年寂

釋海蓮越之中州人持法華二十五品諷誦通利後三品不能誦勤力勵志久如不通乃上郡之立山及諸靈區難行苦行祈求誦憶夢一菩薩語曰汝先身爲蟋蟀在僧房壁其

比丘誦法華蟋蟀聽之普門品了僧疲勞放身靠壁蟀遭壓死聞法力故轉得人身而讀法華不聞三品故不能誦覺後益勉漸通三品天德元年逝

釋慧增居醍醐寺持法華他經咒一字不讀而經王八軸皆能誦徹只方便品終偈中二字不能誦多年勵志誦二字終不通乃自思忖我誦一部皆能通利只此二字不能記況勤策已度歲乎恐是宿殃乃詣和州長谷寺



祈誦二字過七日一龐眉僧出殿告曰汝前身播州賀茂郡人也前世亦讀法華一時寒冬向火讀經火星迸散燒經偈二字汝不書補而命終因是故雖誦經二字不通今彼地經尚在汝先父母亦現在汝速往播補經觀親夢覺二字明了又無忘失即赴播州宿一家家主出見增曰何似吾亡子哉聞音曰聲又不異夫妻相列默見增言來意父母悲喜相并乃出經函果二字燒穿增頂戴感嘆書

先身牛

補二字增前後二世父母四人慈孝和睦云釋賴真近州人年九歲至郡之金勝寺聞比丘讀法華便能憶持諷誦兼解文義真性靜默少語常動口齒而哨嚙人或笑之真又自耻不能止即上睿山中堂期七晝夜訴誠曰我有何惡報作此牛呵願大醫王明示前因至第六夜夢聞其音不見其形告真曰汝前身在近州緣智郡為特牛郡人以妙法華經并供養具馱此牛往伽藍依負經功脫畜為



人亦能誦習習氣未盡作呵哨耳真夢後精進剋責持誦益勤年七十誦六萬部

釋春命住睿山西塔院誦法華無他業足跡不入鄉里專屏山中一時曉更誦經安坐如睡如覺一天女現半身其聲清雅告曰汝先身為野干在法華堂梁間常聞人讀經王以法力故轉得人身前緣相牽作此住偁人身難遇宜加策勵速度苦海言已形隱命聞風生彌勒持誦六萬部後不記數臨終誦經而

逝

釋蓮尊作別人居元興寺持法華二十七品明了諷誦餘勸發不能誦倍加精進讀此一品數萬遍終不通大愧怍乃對普賢像九旬精祈言而曰忘失句偈還令通利菩薩豈欺我乎苦修精勤盡一集至自恣夜夢天童告曰普賢大士令我說汝宿因汝先世為雞狗母狗適在持經者床下卧雞狗來乳持經法師誦經王從序品迄嚴王品雞狗得聞至勸



發品母狗起去。雞狗隨之。由是不聞汝聞法。力今得人身。又誦法華。不聽勸發。故雖讀不能誦。只固志力。必得全誦。寤後加專勤。最後一品。又能通利。

前身牛

釋明蓮居法隆寺。讀法華誦徹七卷第八之卷。不能誦。積歲月。懇溫復終。不記詣稻荷神祠。祈求夙報。過百日。無感。又往長谷寺金峰山。各尅一隻。讀經祈報。而不得感。蓮不屈。登熊野山。又祈百日。神託夢曰。我於此事力所

不及。乞求住吉明神。蓮返攝州。寓住吉。一百日。神又夢曰。我又不知祈。伯耆大山神。蓮便詣大山。安居精求。夏滿。夢神告曰。作州人登此山。以糧負牛。其人詣神祠。牛繫僧房房中。此丘夜誦法華。牛聞之。生慈善心。至第七卷。天色漸曙。牛主早發。是以其牛不聞第八卷。彼牛者。汝前身也。聞法力。故今得此丘形。而持法華。不誦第八者。不聞之故。自今勤策。來生觀史。夢寤感幸。乃一心合掌。白神言。癡牛



聞法尚得人身何況人身如說修行今聞夙  
因神貺難報生生世世誓持法華迴施群有  
證大菩提誓已辭神而去

贊曰或問曰蓮之祈報也初神不逮次後乎  
對曰不也夫宿障厚者得靈感之遲矣屢聲  
勞劬漸泯餘殃障已盡感應乃彰是我佛  
教報理之常也世人不知纔効小功怨神讀  
佛意惠之甚也蓮歷五六之寺祠累百十之  
歲時其志益固固可貴也而其間稍荷長谷

聞而不告者障尚厚矣熊野住吉不知不及  
者漸薄而勉激也逗到大山始償本志宜乎  
又其為根地也鄉之功用萃於此是諸神之  
巧方也非不能焉

根地 前身牛在此山開延法為寺在  
此償在風因

生頓死而後

釋妙達羽刈田川郡人住龍華寺以誦法花  
為業天曆九年無病手持經卷俄爾氣絕乃  
往閻王宮王見達下座作禮曰師非命盡而  
來我欲有啓耳我見師持妙法華內外清淨  
實為澆季正法人我今為師說日本國中衆



生所作諸業師能憶持還本土勸善誡惡廣  
行利生因而委說四衆罪狀達經七日藉息  
具語冥事聞者信伏修善遠惡

釋道命藤亞相道綱第一之男也少登睿山

傳言明神告二修四日在國中諸持經人地道命行寂卷第一

事慈慧誦法華無佗業而志專篤初一歲誦  
一卷八年終全部蓋簡散心也其聲微妙自  
合律呂清濁輕重韻節和雅衆人側耳久聽  
不足居城西法輪寺常勤諷誦一僧夢冠纓  
人充塞四傍僧問誰人荅曰金峯藏王熊野

明神住吉松尾諸神也其住吉明神者曰日  
本國中諸持經人此道命師最爲第一我雖  
居遠境每夜詣此聞諷音耳松尾明神者曰  
如是如是卿言爾也我居密邇晝夜來聽僧  
覺聞之命適誦壽量品僧乃作禮說夢又有  
寡婦病狂託曰所託者婦夫也無心惱婦也  
衆人且聞我主我生平放逸無惡不作當墮  
阿鼻只有一善得輕報我主人詣法輪寺時  
我亦從之道命師誦法華其音清雅我聞隨



喜因茲微善輕轉無間今得蛇身若重聞彼  
經脫蛇趣生善處衆人能將我就命師聞經  
法我無寄處旦寓本婦汝等家人恤我哉家  
僕便舉婦人詣法華寺聞命經靈又託曰善  
哉善哉婦能詣此得聞誦經既脫畜報當生  
天上婦人歸家病如洗命寂後有親友念而  
言命公誦經多歲不知生淨土否若生樂邦  
定知我心願於夢中審示生處如是念願兩  
三年夢大河側有蓮池四種寶花芬馥盛開

池中有誦經聲似命此人下車立池畔見命  
乘舟手把經卷而讀其音倍平時語曰我在  
世雖出家不慎三業多犯禁戒其管四天王  
寺犯用僧祇物如是衆罪不得淨土然依經  
王力不墮惡趣住此蓮池誦法華過三二年  
當生兜率夙契不忘思我可喜故來告耳夢  
覺感泣

釋源尊少年出家讀法華日課不急未得誦  
壯年受病數日而死乃赴閻王宮冥衆數人



或冠冕縫掖或甲冑戈鉞簡牘註記種種異狀側有聖僧手持錫杖執經筵謂閻王曰沙門源專讀法華經歲序已久又可貴乃延高座開篋授經經法華也尊喜懼交合高聲披讀眾合掌傾聽經已僧曰汝還本土尊願宿乃觀世音也尊經一日夜而蘇其後全部誦徹臨終無少惱誦法華而逝

釋常照幼時戲自刻一比丘像稱地藏尊安古寺壇畔率群童採花致供後入園城寺習

教法年及而立染疾不久而亡勇士二人捕照過黑山麓有大穴勇夫推照陷穴照上足下頭如石落而降其間疾風撲目痛不可言也照以兩手覆雙眸已墮在焰王廳顧眄四傍罪人無數其苦狀萬端時一沙門端嚴靚莊語照曰我是汝稚歲所造供者也自爾以來日夜護爾不暫捨也故今又來此救汝汝歸本土益加精修照蘇息後精勤無廢云釋阿清姓百濟氏備之中州窪屋郡人性耐



苦行歷涉勝地適染時疾六日而亡又經二  
日而蘇語人曰我往曠野西北角有門樓入  
中宛如廳衙庭上坐數千人決罪狀見已毛  
豎時一比丘持錫杖從兩美童手以文書向  
官使似有訟曰此阿清苦修精勤此度返本  
土便授牒官使曰是清之行業記也乞詳見  
之官使等披牒曰實如記宜放赦又況師之  
言乎語已敬比丘請問童子此比丘為誰童  
曰地藏菩薩也清聞已感敬交集故得獲生

見聞無不嘆嘆矣

釋藏滿東大寺義藏之徒也適值相者通照  
照曰子雖精學不至立年不如弃本業勤精  
修滿乃入山州竺置庵苦練如救頭然兼誥  
且必持地藏經年三十恙中風經日而死青  
衣之人驅逐而行滿語使者曰我生平歸地  
藏尊今至於此大士豈誕哉於時一比丘忽  
然而來儀狀端莊須臾六沙門至相次三十  
餘輩行列群集於是乎冥使等曰比丘之言



三月晦  
又五月  
八日

誠實也故南方菩薩降臨耳我等於比丘無  
分不如棄去言已分散端莊沙門謂滿曰我  
是汝每朝稱念之者也我護汝猶目精以故  
今來也汝返閭浮益加策勵滿已藉息此間  
經一日夜滿自此精修益深年九十餘安祥  
而逝

釋圓能和州添上郡伏見鄉人也年十八上  
信貴山習學性暗鈍不善教授而志操純至  
常念彌陀伏見有一寺號弘文院安丈六藥

師像能期一百日詣像日日三千拜誓曰我  
願見真身能自所居赴彼寺路過曠野至九  
十六日藥師真身現于野漸大殆滿虛空又  
阿彌陀真身二十尊文殊菩薩同共顯現能  
心身感喜頭面禮拜行年五十七三月晦寢  
中俄亡其徒以頓死未殯喪相對而護心胸  
又暖歷二七日猶不藉昇置野中鳥獸不傷  
人多怪之至五月八日蘇息初言語不詳後  
三歲語曰我先年夢中六比丘來呼我我隨



六比丘昇空而去我問曰何處去答曰向欲  
王宮去我白比丘曰久唱彌陀欲生極樂今  
何用往辭宜從此辭比丘曰汝只先往閻所  
見有情業苦次須詣極樂未晚耳我猶不肯  
比丘曰然者先見淨土後見辭宮乎我諾便  
進去到極樂東門世界光曜莊嚴殊妙比丘  
曰娑婆日月光猶耀煜況彌陀光明如百千  
日故有此眩耀進入門內見諸宮殿皆在水  
上我以為此界宮殿能建水上天工乎佛力

乎比丘曰非水琉璃地也我以手摸地果堅  
手不濕我白比丘曰彌陀所在宮殿可得見  
乎比丘曰待問試一比丘入殿須臾歸來將  
五比丘及我入中傍有佛像比丘曰是誓願  
寺彌陀如來也汝三年供養恭敬故今現此  
次見一殿七寶嚴飾琵琶箏篳篥歌頌妙音孔  
雀鸚鵡伽陵頻伽讚嘆佛德池中有大寶蓮  
花花臺有樓閣閣上有菩薩聖眾比丘曰是  
寂小蓮花下品下生也一一見之念念恭敬



比丘曰汝還本土寫五部大乘典必可來此  
又問曰平居有此願乎我荅曰無次往巖宮  
焰王問曰汝有五部大乘書寫誓記不我又  
荅曰不記時比丘曰往年有文慶讚五部大  
乘經汝在其席心起感喜曰我安知是人慶  
是經汝記之乎我曰有之比丘曰所謂是也  
汝返本邦書寫五典必生安養次見地獄八  
寒八熱受苦罪狀殆不可言也已出獄所六  
比丘曰我六地藏也言已蘇生爾來勸諭四

衆書金字五部大乘經於金嶺山慶言安置  
仁平元年正月二十四日於洛城預告四部  
沐浴淨衣跏趺合掌而化異香熏然城中道  
俗走來供養過十二日葬舟崗山西衆調音  
樂送之道路闐咽結淨緣云

釋道乘眷山西塔寶幢院正第之徒也後移  
法性寺自少年持法華晝夜無懈而性多嗔  
常以惡語干諸友怒罵童僕恚息則叩頭悔  
謝或對佛像向太衆發露陳懺一時臺出洪



性寺上峯峯到掃下遙見山上自翠微至嶽  
頂金樓銀閣嚴麗殊妙其中填置無量經典  
黃卷朱軸金銀泥書衆見了生希有心傍有  
老比丘問曰此經圖妙絕誰所造比丘曰是  
汝年來所讀也依此善力當生淨刹乘聞而  
悅忽有火起經樓盡灰衆問比丘因何火起  
比丘曰汝唄時所持經功及遭燒焚若息恚  
持誦安養之生又無疑乘夢覺懼悔乃於佛  
前善止嗔忿精懇持經而後取滅

釋圓善居寄山東塔院誦法華適遊熊野肉  
背山卒其後有沙門壹客行宿山中中夜聞  
誦法華其聲微妙眷以爲先亦有久宿一卷  
已禮拜懺悔又讀一卷每卷如是天明無久  
傍有骸骨支體全連青苔遍鎖似衣服想久  
經歲月爾體口中有舌如紅蓮眷見之感恠  
欲視所由次日不去入夜誦經如昨至曉眷  
起拜曰既誦經必有心語願聽本事以傳靈  
感骨人荅曰我是台嶺東塔院某也至此而



死生平起堅誓誦法華六萬部存白縑半數  
而天願力不拔住此尚誦經耳今已始終居  
此不父去此當生兜率內院審聞了禮骨人  
而去翌年又來不見苦骨

釋安珍居鞍馬寺與一比丘詣熊野山至牟

婁郡宿村舍舍主寡婦也出兩三婢餽二比

丘珍有姿兒中夜主婦潛至珍所通心緒初

二比丘怪慰勞之密至此始覺珍曰我是緇

服豈閨閣之徒乎寡居餘情溢于非類又可

餽  
古到  
餽

耻也婦人大恨傍鄰不離珍不得已較論曰

我自遠地赴熊野宿志高策又補其嫌淫穢

者固不可歸途必來婦主姑待之女喜而歸

曉更珍早前路著神祠即便反經婦家而不

入急奔過主婦數歸裡備供膳傍門伺路過

期不至適一僧過主婦問曰二比丘某物色

熊野及途有相見乎對曰如婦言二比丘我

親見而其沙門去此恐二日前也耳婦聞大

怨瞋乃入室不出經宿為蛇長二丈餘出宅

誘也



赴途奔馳而過路人噪亡相語曰如此大蛇  
何爲取路人人相傳至其所珍思女化爲馳  
入一寺寺名道成告衆乞救衆議下大鐘  
置一堂納鐘蓋堅閉堂戶已而大蛇入寺  
平目鱗口甚可怖畏衆僧走散蛇赴堂戶不  
開便以尾擊戶聲如鐵石戶漸碎蛇入堂應  
時四戶皆開蛇乃蟠圍鐘擊尾敲鐘火燄迸  
散寺衆集看無爭奈何移時蛇去寺衆倒鋪  
見中不見蛇又無骨只灰塵而已其鐘尚熱

不可觸也數夕一者宿夢二蛇來前一蛇曰  
我是前日鐘中比丘也一蛇婦也我爲淫婦  
害已爲其夫惡報苦報不易救脫而我先身  
持妙法華未久遭此惡事微緣不虛尚爲極  
因願爲我寫壽量品我等二蛇定出苦道我  
等來寺願垂哀愍覺後大憐乃書壽量品又  
捨衣資修無邊會薦二蛇其夜者宿又夢一  
僧一女合掌告曰我等因師慈惠僧生墮率  
女生切利語已上天



存日懷念市貯萬錢死後受蛇身夢告朋友令書法華經咒

釋無空姓橘氏居東大寺學密教又修念佛  
少資產晚年自謂我甚富平後煩遺弟不知  
私畜以供喪事貯萬錢置梁間人不知也延  
喜二十一年空病六月死言不及錢右僕射  
藤仲平與空善夢空弊衣垢面形甚枯槁告  
曰我以伏貨受蛇身願公取其錢寫法華必  
脫苦趣藤公覺而感慨自往空坊探得梁錢  
錢中果有小蛇見人逃去藤公乃令比丘書  
法華營追薦其夜夢空衣服鮮潔顏色悅澤

存日愛橘樹因小緣結生極樂又蛇身說寺衆令書法華經咒蛇形生淨土

手執香爐語曰我以僕射親薦早出蛇趣今  
詣安養語已西飛

釋講仙洛東六波羅密寺之徒也久讀法華

兼修懺焉萬壽中取滅其後小幾靈託寺衆  
曰我是定講師講仙也平居經業當生極樂  
而因小緣受蛇身我平時庭中植橘樹枝葉  
漸茂開花結果我甚愛翫又衆所知雖非重  
罪愛念纏縛報隨蛇趣見今醜形住橘下爲  
我高妙法華必得昇濟寺衆聞之皆赴橘所



果有蛇纏繞其根長三尺許令寺憐之作所  
告事其夜寺僧夢講仙威儀序面有喜氣  
拜大衆曰我依衆友哀愍力經主威神力脫  
蛇形生淨土明朝橘根蛇已蛻

贊曰愛纏之業亦其矣哉仙之養猶猶受蛇  
質況貨財乎又況色欲乎三子尚以經業託  
夢寐又況不有此乎慎之哉慎之哉

度揔論

唐史各科終皆有補世書者不然有發故到此揔論十度云

萬法森列智在其中矣因而分之度在其中

十度因教

萬生之化群生之變化雖十度何哉

見群枕之變隨之且三度

解脫与度義同

矣慧禪相推變在其中矣繫傳焉而位在其  
中矣夫度者何爲者也開道成勢冒萬生之  
化如斯而已昔者聖人之立度也彌綸聖凡  
而生教六分四析而倚數觀變於智立修是  
故度之爲道也廣大悉備有佛道焉有法道  
焉有僧道焉兼三寶而十之十者非徒也三  
寶之道也道有解脫故曰度度有種種故十  
之十而度者所以廣包也故心無體而覺無  
方一性一相之謂道繼之者智也成之者善

善也或戒也戒者万行之根

故十度之義以戒爲首

十



也空者見之謂之空法相也有者見之謂之有群生  
日用而不知故佛之道難矣是故將以順性  
相之理是以立佛之道曰智願方立法之道  
三寶十度融攝而不偏今觀合者一往一還也  
曰力慧立僧之道曰禪進忍戒檀夫度其至  
矣乎夫聖人所以明道而廣業也是故學者  
所居而安者度之序也所樂而玩者度之理  
也所履而行者度之事也古者能仁氏之王  
法界也上利四聖下濟六凡內取性外取相  
範圍萬法覆庇兆類以修以證蓋取諸智能

法報

三寶十度融攝而不偏今觀合者一往一還也

仁氏設教依氏作述經為論釋論為疏疏論  
之訓以教天下蓋取諸慧上古四八而修安  
般而觀後世聖人易之以直指蓋取諸淨禪  
動天震地使神役鬼以利天下蓋取諸進感  
剥皮寫經斬骨刻像燒身捨命以濟天下蓋  
取諸忍四六為重六八為輕五篇七聚能辨  
開遠蓋取諸戒上古塚宿樹居後世聖人易  
之以寺廬蓋取諸檀興出處無常任道而行  
不拘形服以衲立纓蓋取諸方應跨險蹈遠

教息現也

入息曰事即出息曰報

四十八輕戒也

十二頭陀也

與也



不撓素履殊方異域以隣以里蓋取諸力勞  
王公而行幽明而化被于萬物各得其所蓋  
取諸願雜夫道有大覺是生二法二法生十  
度十度生萬行萬行定理事理事備而復大  
道是故證悟莫大乎法修學莫大乎度利濟  
莫大乎行事理功成復乎太道莫大乎聖人  
聖人有以見天下之賾而象其物宜是故謂  
之智天智者聖人之所以極深而研幾也唯  
深也故通天下之志唯幾也故成天下之務

聖人之道見乎智聖人之智見乎傳智其道  
之緼乎傳智成而道來矣傳智廢則無以見  
道道不可見則智幾乎息傳智之興也其於  
中古乎昔者瞿曇氏沒結集作三藏之典有  
小大二部之衆分內外空有性相蔓衍五天  
矣結集後一千歲震旦地明王起焉感夢寐  
之瑞馳聘求之使摩騰竺蘭之階聖位也喜  
聲教東漸之機至矣躡葱嶺之阻峻涉沙河  
之艱險馱經像於白馬諭教法於蒼生是傳



智之所以興也後二百年士行跋大方之足  
法顯縱聖蹤之目玄奘道北狄而入義淨泛  
南溟而達結集之陳迹譯布乎支那四海百  
廿聲艷風規者也我之國極東海隅梵壤不  
接是以譯事缺矣雖缺譯事而智之傳者無  
異距漢明而殆半千吾國又明王起焉海藩  
之帥貢獻也是真教之始被也吾道者夫於  
明乎奚兩土二名之相比也達磨無畏之游  
斯地也豈傳智之幾乎北真踵騰蘭之跡昭

訓趁衍顯之躅亦是此方之所以從事於此  
也爾來諸子恐後驅逐紹視溟渤床居舟舶  
覲明師而稟勝法矣勤劬至而利濟博矣契  
淨之行焯焯可見矣其德大而其功遠者乎  
夫度之爲道也原始要終以爲質也上下無  
常變動周流不爲典要唯變所適十度相交  
盤紆綺互而知者觀其智章則思過半矣夫  
知解脫之道者其知度之爲乎度有聖人之  
道三焉以思者尚其慧以定者尚其禪以禁



考分明之美  
也何若物  
不明不結米  
之於子已明  
而後米之故  
未者分月  
之我或願  
有之端也  
然不混

者尚其戒度有聖人之道六焉以行者尚其  
進以違者尚其忍以順者尚其檀餘三如上  
十度之興也其於衍乎立度者其有蓄乎是  
故智道之決也慧道之辨也禪道之正也進  
道之昇也忍道之任也戒道之制也檀道之  
利也方道之巧也力道之強也願道之敢也  
是以智明慧采禪專一也進行而不止忍不  
悔戒固檀功而不居方入諸趣力有所遂願  
混而不失一與二體同名異而位有差八與

九十位差而德不差然有次序者理之順矣  
有佛然後教生焉其教明白故受之以智智  
者知也物之有知也必有分別故受之以慧  
物之別也必忙不可以不靜故受之以禪靜  
至即止故受之以進物進遇險則屈故受之  
以忍忍久而心荒故受之以戒戒約而少息  
故受之以檀檀欲巧便故受之以方方多而  
緩故受之以力力強入物者洽故受之以願  
而終焉

夫行檀者必欲有巧便隨人而不覺却使人作言何者若以刀杖示  
兒童必復作惡言此類是也



元亨釋書卷第十九

元亨釋書卷第二十

三代以來皆有史官紀王者言事  
左史記言右史記事

資治表一

濟北沙門

師鍊

撰

周末代衰故書此式  
起欽明至皇  
周公作春秋自隱侯至哀侯  
極合七君

起欽明至皇  
極合七君

原以佛法資治政也表者指史記八表也

昔者仲尼之作春秋也編年月而數言焉  
子長之變聖製而立傳焉後之修史者皆則  
遷焉蓋編年者繫于時也立傳者繫于類也  
繫類之者下愚猶便之者讀矣繫時之者中  
才或病諸紛糾矣是所以史經之有變也初

孔子作春秋  
秋左丘明  
而作傳  
後山年高  
子長示子  
穀梁赤  
穀梁赤  
孔子孫仲



予修此書欲則春秋只恐中下之或病諸其  
不得已耳矣然其胸懷猶介然于此也竊見  
皇朝之德化且託佛乘之翼佐也故予據其  
繫吾之實事以寓素蘊而作資治表既而授  
二三子有効凡例於左高赤者今并而錄焉

### 欽明皇帝

自神武天皇第三十

右六人御  
子年五  
人男十六  
人廿九人

元年春正月庚子四月秋七月己巳遷都河  
磯城嶋冬十月

或曰遷都者非無意我之事書之何哉云云以示佛教之功德也

元年庚申正月不書即位去歲十二月丁

拾限宮也帝繼體第三子初帝讓山田皇  
后后謝曰蒙恩至渥湏嶽難比而萬機之  
務婦女焉預況皇子仁聖明敏乎羣臣又  
請勤故不得已也七月十四都和之山邊  
磯城嶋造宮于金刺故曰磯城嶋金刺宮  
是歲當蕭梁武帝大同六年

二年  
三年  
四年  
五年  
六年  
七年



八年

九年

十年

十有一年

十有二年

十有三年春夏秋冬十月百濟國主使大夫  
西部姬氏貢釋迦佛銅像及經論幡蓋大殿  
災

十三年十月十三百濟國聖明王使西部  
姬氏達率怒利斯致貢獻釋迦銅像經論  
幡蓋若干品上表曰是法於諸法中寂爲

諸侯臣  
陪臣也

殊勝難解難入周公孔子尚不能知也是  
法能生無量無邊福德果報乃至成辦無  
上菩提譬如人懷隨意寶所須依情是法  
寶復然祈願依意無所乏缺一旦失遠自天  
竺受洎三韓順教奉持無不尊敬由斯百  
濟王臣明謹遣倍臣怒利斯致奉傳帝國  
流通寰宇又佛之所記我法東流聖識不  
徒天皇知之帝大悅詔使者曰朕從昔以  
來未曾聞如是微妙之法然朕不自決姑



待議焉乃歷問群臣曰西蕃獻佛其貌偉  
麗不知可拜ハ大臣賴稻目奏對曰海藩  
諸國一皆禮奉豐秋ハ日本豈獨否乎況百  
濟王世承皇化若ハ妖神曷爲忠藩願陛  
下勿慮也太連物尾興中臣錦子等言我  
國家之治天下也恒以天地社稷一百八  
十神春夏秋冬祭拜有興ツ方今改拜ハ蕃神  
恐致國神之怒帝曰卿等言爾也然聖明  
之真不可舍也誰奉斯神者稻目稽首請

之帝賜像蘇氏稱目安小墾田家又捨向  
原宅爲寺奉像此冬疫ア尾興錦子同奏曰  
國有災孽妖神之爲ス不用臣言已罹レ瘡痍  
願行ハ弃撤祈受後福帝依奏有司投像于  
難波堀江火ハ伽藍于時天無雲雨天火焚  
大殿初仲夏皇帝八年神託皇后征新羅  
國帝疑而不發九年春二月帝俄爾崩於  
是乎皇后神功懼帝不用神言而崩冬十  
月浮海到于新羅新羅王見我旌旗器仗



神託曰莊嚴器仗有  
不似而得免因茲莊  
嚴

倭人自面縛  
者祇以手而膝面  
或曰三韓  
朝我則佛法之  
事日為之  
云佛法初至自  
百濟故示所以  
之歸我年

之莊嚴曰傳聞東海有神國名曰日本恐  
是其神兵乎不可敵也乃素服面縛自持  
面籍來于海壖曰願每歲貢金銀織帛八  
十船不敢切也此時高麗百濟二國主聞  
新羅降於我密伺軍勢知其不免又自急  
馳納款曰從今以後永稱西藩不絕朝貢  
自茲三韓皆貢于我當東漢獻帝建安五  
年也十月曷為不日史失也  
十有四年春夏五月得異材刻佛像秋冬

或曰今息  
列也李唐  
內列也

十四年五月朔內州奏泉郡茅渚海有奇  
聲光其響如雷其耀若日帝敕溝邊直赴  
海物色見樟木浮海光彩煜如也取而獻  
帝命工刻佛像二軀今見在吉野寺俗曰  
放光像

十有五年春二月百濟國貢沙門曇慧道深  
其秋冬

十五年二月慧深二比丘應百濟貢來初  
十四年六月帝敕百濟召易曆醫三博士



至是貢三博士及三書二比丘附獻焉

十有六年

十有七年

十有八年

十有九年

二十年

二十有一年

二十有二年

二十有三年

二十有四年

二十有五年

二十有六年

二十有七年

二十有八年

二十有九年

三十年

三十有一年春三月甲申僕射藤原日茂夏  
秋冬建宇佐神祠于豐前州

三十一年三月蘇公薨書官貴也是歲豐  
前州宇佐郡厩岑菱瀉他畔民家兒甫三  
歲詔曰我是第十六主譽田天皇廣幡八  
幡也我名護國靈驗威身神大自在王菩  
薩諸州諸所垂跡於神明今顯坐此地耳  
因之敕建祠

三十有二年春夏四月天皇崩謚欽明秋冬



三十二年四月之崩曷為不日史失之也

△敏達皇帝 第三十一

元年春正月夏四月甲戌天皇即位秋七月冬十月

元年壬辰四月初三帝即位于百濟大井宮帝欽明第二子是歲當陳陳孝宣大建四年也

二年春月鹿戶皇子生夏秋冬

二年正月朔王夫人娛遊至鹿間俄而產

焉以誕近鹿戶字其兒為王夫人何用明之后也曷為不書后茲時諸主也

三年 四年

五年

六年春夏秋冬十有一月百濟國到佛經論及禪師律師比丘尼及咒禁師佛工寺匠六年十月遣百濟使大別王自百濟歸百濟王附貢經論及禪師等六人韓真波大別赤書二及菴降也



七年春復秋冬天下放生月六日

七年每月六齋日放生因豐聰王子奏也

八年春復秋冬十月新羅國使報叱政貢釋迦佛像

八年十月新羅國貢釋迦像上官王子奏曰此像甚靈崇之則銷災受福畏之則招畜續壽帝聞之敬崇供奉今見在興福寺東金堂

九年

十年

十有一年

十有二年春復秋冬百濟月羅說偈拜豐聰王子

十二年百濟日羅來初日羅名干國帝遣紀押勝召羅押勝自百濟歸奏曰百濟王愛羅於是乎復使吉備羽嶋召羅于王王懼以羅從羽嶋來王子偷眼於羅羅指王子曰神人也具在太子事中

十有三年春復秋九月僕射藤公營殿千石



川宅冬十月度三屋

十三年九月百濟使麻深臣持彌勒石像而來又佐伯連有佛像蘇馬子於石川宅構殿安二像蘇馬子之克承先子營佛事故書官不名十月馬子令高麗惠便度善信禪藏葉善三尼於石宅精舍供給一日設大齋會善信之父司馬達等豫焉於齋饌上得佛舍利獻馬子其舍利神異不測馬子益厚淨信

十有四年春二月僕射蘇公起塔于大野丘三月傳佛法夏六月許蘇公奉佛秋八月己亥天皇崩聖壽二十有四謚敏達冬

十四年二月十五蘇馬子立塔大野丘北以去歲所感舍利安塔柱因設大齋會二月大疫物宇屋中勝海奏曰癘災陳衍東由蘇氏佞佛也殷監不遠先朝可占因出傳佛法曷為不言廢而書傳假實之謂也曷為假當時之志也於是乎八耳王子曰



痛哉二子之昧也佛法說因果亦猶積善慶殃之餘矣二子殆不免焉二十八守屋自往大野縱火燒塔殿收燼餘佛像并難波堀江是日又無雲雨又錮三尼于海石稻市亭于時帝患瘡及守屋天下殆徧死者相枕其患者皆言如焚如撻人人咸曰焚寺像打淨尼之報也六月馬子奏曰比來禁佛事以故臣疾未愈非三寶力殆不起願許復教曰獨許卿餘不可乃以三尼

賜馬子馬子大悅營精舍供三尼帝疾彌留不差八月十五崩書聖算見崇也

△用明皇帝

第三十二

元年春正月夏四月秋七月冬十月

元年丙午正月不書即位去歲九月于雙槻宮也帝欽明第四子是成常押隲文帝開皇六年也

二年春夏四月承名也國法師入宮癸丑天皇崩謚用明鞍部多須奈建坂田寺秋七月誅守



屋冬建四天王寺

二年四月帝不豫詔侍臣曰朕思歸三寶  
卿等議之守屋勝海共言何替國神奉異  
域神先皇以來未之有也賴馬子曰已承  
睿旨何異謀之有於是乎皇弟穴穗王子  
召豐國法師入內八耳王子握蘇子手曰  
三寶之與庸人不事對靈交連抑蔽聖明  
卿不屈邪諛可謂忠臣矣蘇子叩曰賴  
殿下之明德耳守屋聞蘇子而怒王子語

左右曰太連不知因果其敗可跂而待矣  
豐國中選曷為不族氏疑則傳疑春秋之  
法也曷為疑或曰豐國所名且從古史也  
帝疾篤鞍部奏良那奏曰臣乞為陛下出  
家修道帝嘉之初九帝崩乃建坂田寺命  
百濟佛土刻丈六佛像安之六月百濟使  
來善信尼謂馬子曰夫出家者以戒為本  
此方戒學粗矣願如百濟受戒法七月賴  
馬子誘諸王子謀于屋初守屋欲立皇弟



允穗王子而咀帝以故帝夭也又謀誅諸  
王子成允穗事發泊瀨王子鹿戸皇子  
及馬子群臣帥師到澁河守屋拒之其兵  
甚銳官師三却鹿戸皇子乃斫白膠木刻  
四天王像置頂髮中誓曰官軍得勝當作  
護世四王寺馬子又指營寺宇興三寶於  
是乎鹿戸舍人赤擣放矢曰是四天之箭  
便貫守屋胸而死物氏藏焉冬攝州王造  
岸上建四天王寺分守屋田貨爲二一納

于寺一賜赤擣守屋之誅不系于我曷爲  
書之深冠也寇則寇矣奈誅之不于何守  
屋謀鹿戸鹿戸舉伐鹿戸之寇我之寇也  
苟我之寇書之無咎

崇峻皇帝

第三十二

元年春三月百濟國使思率首信貢佛舍利  
又沙門葉聰夏四月求法比丘尼善信赴百  
濟秋七月冬十月蘇公建法興寺  
元年戊申正月不書即位去歲八月于倉

法興寺者今之元興寺也見推古四年下



橋宮也。帝敏明第十一子。三月百濟貢佛舍利及沙門并畫工瓦工。表略曰。陛下踐祚。肇興佛道。漢帝東流之夢。法王西來之誠。於不信矣。伏請陛下照佛日於若木之國。覆慈雲於扶桑之邑。夏善信尼如百濟遠游。非尼女。輒書以求法。簡貴之也。十月。蘇馬子營法興寺。酬臨河役藉也。是城當開皇八年也。

二年

三年春三月。求法比丘尼善信至。自百濟夏秋冬鞍部氏蘇髮度三尼。

三年三月。善信自百濟歸。止櫻井寺。是年鞍部多須奈出家。名德齊同。落髮者善聰等八人。得度者多。曷爲書鞍氏褒蹈言也。三尼者。善德善妙妙光也。曷爲書三尼貴婦人也。

四年

五年春夏秋冬十有一月乙巳。馬子弒天皇。



謚崇峻

五年二月帝語上宮皇子曰蘇馬子外雖崇佛內甚詐譎其後縱矯虐卿以爲若之何對曰蘇氏實可謂奢侈然陛下願以忍慈覆億兆焉帝性剛狷雖納上宮言內猶含之十月或獻山猪上宮侍焉帝指猪顧上宮曰安得如斬猪頭切佞臣頭上宮私謂禍始於此乃設內宴饗群臣上宮語群臣曰陛下之言公等勿洩也時有黨蘇氏

者告馬子馬子募勇士漢直駒弑帝十一月初三駒入天坐馬子賜駒不訾往來家門出入不問駒託功不慎通馬子女馬子怒縛駒庭樹親射殺向書馬子皆姓不名此何名不姓弑君也

推古皇帝

第三十四 敏達后

元年春正月起法興寺塔夏四月己卯立皇太子秋七月冬十月移四天王寺  
元平癸巳正月不書即位去歲十二月于



費浦宮。帝欽明中，女敏達之后，崇峻遭  
弑，羣臣謀立。正月，營法興寺塔，以佛舍利  
置柱礎中。四月初十冊，廐戶皇子爲太子。  
詔曰：朕婦人也，不解政事，萬機之務皆委  
太子。百僚悅焉。今茲移四天王寺，難波荒  
陵是歲當開皇十三年也。

二年春二月，詔皇太子興三寶。冬  
二年二月，敕太子傳弘三寶。群臣捕佛宇  
三年春，夏四月，得異材，刻觀自在像。五月，高

羅沙門慧慈來。秋冬，百濟沙門慧聰來。

三年春，南海之濱有浮查，夜放光聲如雷。  
四月，著淡州南涯，大一圍，長八尺，沿海之  
民取爲薪，其煙遠薰，以獻于朝。太子奏曰：  
是沉水香木也，產南九竺，南海之崖其實  
維古。其花丁子，其脂薰陸，入水久者爲沉  
水，不久爲淺香。陛下興佛乘，造佛像，天神  
感之，漂送耳。帝悅，敕百濟工刻觀音像。安  
吉野比羅寺。時時放光。五月，慧慈來。太子

沉水香出  
巡花果脂  
等事



師之

四年春夏秋冬十有一月慶法興寺居沙門  
慧慈遷職置寺司

四年十一月法興寺成今之元興寺也敕  
設無遮會慶之千時紫雲如花蓋降覆塔  
及殿裏為五色作龍鳳形太子語左右曰  
天感新寺故有祥雲敕慈聰二師居寺以  
善德臣為寺司

五年春夏四月百濟王子說得拜太子秋冬

五年四月百濟王子阿佐來朝見太子作  
禮曰敬禮大悲觀音菩薩妙教流通東方  
日本四十九歲傳燈演說太子眉間放百  
光阿佐拜而出阿佐為不名貴也為為  
貴之聖人也何以知預言太子成也

六年

七年

八年

九年

十年春夏秋冬十月百濟沙門觀勒來高麗  
沙門僧隆雲馳來



十年十月百濟高麗沙門等來曷為有三  
來異月也曷為不書月閏也曷為不書閏  
春秋之法也書二來見閏也

十有一年春復秋冬十月轉安宅經于小墾

田宜

十一年十月初四帝遷小墾田宮太子命  
諸沙門講安宅經十一月太子語侍臣曰  
我有二像誰能安之秦川勝進曰臣願得  
之乃建蜂蘭寺安像像阿逸父今之廣隆

寺也

十有二年春復四月太子製憲章秋冬

十二年四月太子作憲令十七條其第二

曰篤信三寶三寶者佛法僧也四生之終

歸萬化之極宗何世何國不習是法人鮮

尤惡能教乃化不歸三寶何以直枉

十有三年春夏四月詔太子及群臣造銅繡

二像秋冬

十三年夏帝敕太子群僚錄六經迦及



二菩薩像用銅二萬三千一百斤黃金八  
百兩高麗王大興國之貢黃金

十有四年春集四月慶銅鑄二像置三孟齋  
五月賜鞍作馬于大仁位秋七月詔太子講  
勝髮經冬十月講法華經

十四年四月銅鑄像成安元興寺設大齋  
會此夕五色雲覆佛殿銅像放光內外咸  
明帝大悅每歲四月八七月望設齋會立  
爲式三孟何孟夏孟秋也五月校曰毫爾

鞍作鳥先皇歸佛乘求舍利汝祖司馬達  
等便獻舍利用明帝不豫汝父多須那奏  
出家祈福又汝姨嶋出家爲本朝之愛道  
今朕欲鑄佛像不得善模汝之所獻以爲  
範模像已成殿戶窄梓匠將隨戶汝善巧  
思畫不壞戶而像得入夫累世善忠一時  
巧功朕不得而稱無地離德唯枉微爵署  
大仁位今之位兼以近州坂田郡二百畝益  
食邑鳥以此田稅作金剛寺今之南洲坂



田尼寺也。七月太子對御講勝鬘經。太子曰。吾昔爲勝鬘夫人時。釋迦世尊說此經。故吾能講此經。講已。天雨蓮花。大者三尺。乃製義疏。傳出。十月。敕於崗本宮講妙法蓮華經。觀擗州田一千畝。太子納千班鳩寺。十有五年春。夏秋七月。太子遣野妹子于隋國冬。

十五年七月。野妹子入隋。以三法衣施衡山三僧。事見太子傳中。

十有六年春。夏四月。野妹子將隨使而歸。秋八月。隨使入都。九月。太子屏夢殿冬。

十六年八月。詔迎隨使裴清干。海石榴市街。太子微行見之。請指太子之所。曰。彼有真人氣。下馬而過。九月。太子入夢殿。開戶。一七日夜出。告裴慈。曰。我定由往隋國。就經來也。乃示慈慈大奇。

十有七年春。夏五月。館百濟沙門道欣。裴彌于元興寺。秋九月。野妹子將隨使而歸冬。



十七年四月百濟國遣使於吳國其船漂  
流者解後之輩北津太宰府奏五月送舟  
人于本國于時沙門旻彌等十一人觀國  
之光上奏請留救止元興寺九月隋使奏  
曰去歲秋皇太子駕青龍車侍從五百取  
南嶽舊房經冲空而去

十有八年春三月高麗國貢沙門曇微法  
夏秋冬

十八年三月高麗貢微定二比丘微父才

藝明儒五經善丹青造碾磴

十有九年

二十年春夏秋冬為須彌山于南庭

二十年異人自百濟來其面及身斑白群  
臣忌其奇體將棄海嶋斑人曰若忌臣者  
斑駁牛馬不可備御亦臣有小伎能作山  
岳之形容臣而用不為無利於是乎敕造  
須彌山于南庭

二十有一年春夏秋冬十有二月庚午太子



達菩提達磨

二十一年十二月朔太子遊片崗見餓人  
其人頭大面長目纖耳長眼有金光與太  
子語父太子與食服太子歸宮餓者殂太  
子親葬數日使使開墓不見屍衣在棺上  
二十有二年春夏秋八月度一千人太子授  
戒于蘇公冬

二十二年八月蘇馬子疾救度比丘比丘  
尼一千人祈病也馬子疾革太子使其刺

髮自授具戒

二十有三年春夏秋冬十有一月沙門慧慈  
歸高麗

二十三年

二十有四年春夏五月太子建伽藍秋十月  
新羅國貢黃金佛像冬

二十四年夏帝不豫五月太子營精舍祈  
之帝疾愈百僚多建寺塔七月新羅王貢  
金像長二尺安蜂崗寺像時時放光



欲護皇  
基建大安  
寺于熊疑  
村

二十有五年春復秋冬建伽藍于熊疑村  
二十五年太子入定見皇運出奏曰後代  
皇祚多災害非佛力不可救願建一精舍  
護皇基帝隨奏構于熊疑村今之大安寺  
也

二十有六年 二十有七年

二十有八年

二十有九年春二月癸巳皇太子豐聰薨于  
斑鳩宮復秋冬

二十九年春太子病帝慰問曰有所思乎  
太子對以熊疑之役新二月五日太子薨  
天下萬民如喪考妣太子厚我亦位尊何  
書薨以名以名書死春秋之法也

三十年

三十有一年春復秋七月新羅國使奈未智  
洗爾貢佛像舍利塔幡沙門惠濟慧先至自  
唐冬

三十一年七月新羅王遣大使奈未智洗



爾貢佛像舍利金塔灌頂幡大小十二旒  
救安像葛野秦寺納舍利塔灌頂幡四天  
王寺是時亦先二比丘及醫慧日福因從  
智洗亦來奏日奏曰唐學沙門等學業  
已成早敕召之

三十有二年春夏四月戊午置僧正僧都及  
法明壬戌釋觀勒爲僧正德積僧都秋九月  
校寺冬

三十二年四月初三一比丘執斧斷父

而死巷閭嗟吁而曰太子猶在豈有此逆  
乎帝聞之召群臣謂曰夫出家者歸三寶  
具戒法何無慚慎輒作惡逆乃詔諸寺索  
惡比丘於是乎僧尼多逢疑逮有司將并  
坐百濟沙門觀勒上表曰佛法自西印至  
東漢經三百歲傳之百濟已一百年矣吾  
百濟先主聞日本天皇睿聖敏明而貢上  
佛僧及經論今猶未滿八十載以故僧尼  
未習法律之者有矣是所以大逆之生也



今其首醜我門亦不得容其餘僧尼豈可  
例刑哉願質憲章流之仁澤制可十三詔  
曰夫道人尚犯法何以譴俗乎自今以往  
應置僧正僧都檢校僧尼十七觀勒任僧  
正兼法務德積僧都又置寺司曰法頭阿  
曇連任法頭不書微也君子曰興者衰之  
初與僧官者道之弊與昔羅什入關僧尼  
麀至秦主姚興患其濫汗不軌始置僧正  
而整之僧若當其任也什之入秦者吾法

之興也而弊始於此焉推古之世者吾法  
之興而亦衰之始與蓋夫不得已乎何地  
異而事不異也雖貪嗔之不同所以幣之  
始者一也歲寒知松栢瞻彼碧勒者松耶  
栢耶九月校城寺寺四十六所比丘八百  
十六貞尼五百六十九貞

三十有三年春正月高麗國貢沙門慧雄其  
釋慧雄擢僧正秋冬沙門福亮為僧正  
三十三年春平詔慧雄法軍甘肅大法帝



悅テ僧正ニ擢與ニ爲何異ハ爲常也ハ擢非常也ハ  
此ハ成福亮爲僧正ニ古史失時日也ハ

三十有四年 三十有五年

三十有六年春三月癸巳天皇崩謚推古

三十六年春三月之崩初七也

舒明皇帝 第三十五

元年春正月丙午天皇即位夏四月秋七月  
冬十月

元年己巳正月初四帝即位帝敏達之孫

彦人王子第二子是歲當李唐太宗貞觀  
三年也

二年春夏秋冬十月癸卯遷于尚本宮

二年十月之移宮十二也

三年

四年春夏秋八月沙門靈雲ニ僧是至自唐冬

四年八月唐使高來仁來留學雲是二師

從之歸

五年



六年春二月起豐浦寺塔夏秋冬

六年

七年

八年

九年春二月大星流聲如雷夏秋冬

九年二月大星從東流西其聲如雷朝無知者沙門僧晏曰此星曰天狗東方恐有亂乎果蝦夷叛

十年

十有一年春夏秋七月新百濟大寺九月沙

門慧隱慧雲至自唐冬

十一年正月造宮于十兩郡百濟河側又相勝收稅熊疑精舍改侈其規禮也其地在百濟河側故曰百濟規模高宏故曰大寺分郡民爲二河西民充造宮東民寺納邑三百戶田三千畝于寺春秋法修舊不書曷爲書大之也故書曰新又褒帝之蹈上官言故書是時宮寺並營材不足乃伐神林子部木神怒火寺帝戒膳九月新羅



人送留唐隱雲二人而歸

十有二年春復五月辛巳釋慧隱講于官中  
秋冬十月沙門清安至自唐

十二年五月初五官中設齋會宣慧隱講  
無量壽經易為書曰官講始也隱師何書  
姓貴也易為貴始應官講也十月新羅使  
來留唐清安從之歸

十有三年春夏秋冬十月丁酉天皇崩謚舒

明

十三年十月之崩初九也

△皇極皇帝 第三十六

元年春正月辛未天皇即位復四月秋七月  
法雲于諸寺九月修百濟大寺冬十有二月  
壬寅遷于小經田宮

元年壬寅正月十五帝即位帝敏達之曾  
孫茅渟王之女舒明之后也夏不雨七月  
村村殺牛馬祭諸神僕射蘓入鹿奏曰詔  
諸寺讀佛經必得雨庚辰宣諸大寺嚴像



設命衆苾芻讀大雲經蘇公手執香爐行  
香辛巳微雨九月百濟之修舒明十一年  
神火至此復營春秋不書修今書之者褒  
也曷爲褒即位之初克復先業非厚我然  
乎十二月移宮二十一也是年當貞觀十  
六年也

二年

三年

四年春夏六月庚戌天皇禪位于皇太子後  
謚皇極僧旻爲博士秋八月置十師冬十有

遷都  
難波  
豐碕

二月癸卯遷都干攝州難波豐碕

四年六月十四帝禪位太子太子辟太兄  
王子王子曰已奉聖旨何讓之有臣素志  
蕤染辭已解佩刀投地即往法興寺除翳  
髮太子不得已踐位以沙門僧旻爲才加  
大學博士旻已乖本法故書去氏族梁齊  
以來加官爵于我者多矣何責旻之深梁  
齊以來諸師不得逃我誅矣八月延諸沙  
門宮中詔曰欽明聖皇膺圖之十三百濟



藩王初貢佛法是時群臣不輯競鼓毀吻  
唯蘇稻田能嚮真乘敏達以降世事崇奉  
朕新登大寶思興正教故以沙門狛大福  
亮慧雲常安靈雲慧至僧旻道登慧隣慧  
妙爲十師此十師等宜弘傳釋教教令衆  
僧又慧妙法師充百濟寺主凡諸寺之怠  
修廢者有司與寺主檢校助營又以三論  
色夫君爲法頭巡行諸寺與其寺主勘計  
寺產給其窶缺十二月遷都初九也



元亨釋書卷第二十



